

Calypso y roadmarch a conocé un cambio grandi den último añanan

ORANJESTAD-Un cambio grandi cu a surgi último añanan sin duda den celebracion di nos carnaval, ta sin duda e aspecto musical.

Carnaval ta e periodo cu músiconan local ta alcanzá nivelnan sin igual y e produccion cu ta ser treci riba mercado local den e periodo di carnaval, ta di un nivel excepcional.

Antes carnaval tabata ser dominá den e aspecto musical, pa cancionnan for di otro paísnan di Caribe pero pa basta aña caba, artistanan local a dicidi di introduci nan propio calypso y roadmarch.

Cancionnan di alta calidad y ta di lamentá cu ainda no ta busca reconocimiento internacional pa e produccionnan sin igual aki.

Calypso y roadmarch contest den e último añanan a para bira un di e eventonan di mas importante di carnaval.

Henter e ambiente real di carnaval, ta drenta curpa despues di e calypso y roadmarch contest.

Bon Dia Aruba ta elogiá y ta felicitá nos músiconan pa nan e transformacion asina grandi e último diez añanan.

Composicionnan cu tur aña ta surpasá e aña anterior, di alto nivel y den cual pueblo ta reconocé hopi aspecto di su bida diario.

RECONOCIMIENTO

Carnaval ta e periodo mas importante den bida di nos músiconan caminda nan ta anhelando e reconocimiento di nan pueblo.

E aceptacion di e pueblo ta loke ta sigui inspirá e hendenan aki pa sigui dilanti y ta di elogiá e forma cu nan ta hinca tur esfuerzo pa brinda lo mihor na e pueblo carnavalesco.

Aruba a conocé reinado di Young Quick Silver kende shete ocasion a bira Calypso King pero mientras cu e "legendario" Lord Boxoe na cinco ocasion a gana e título aki. Mighty Red na tres ocasion a bai cu e título tan codiciá aki.

Sinembargo na 1983 a presentá un hoben cu e hom-

ber di Mighty Talent kende na nuebe ocasion a bira Calypso King y practicamente ta e cantante cu mas a expresá e problemanan di pueblo den su calypsonan.

E fayecido Lord Boxoe keto bai ta e Roadmarch King di tur tempo c'un total di

ocho título. Despues ta sigui Mighty Talent kende a logra te cu awor cinco corona di roadmarch.

E fayecido Ray Anthony Thomas a logra bai cu e corona di roadmarch King na tres ocasion mescos tambe Mighty Cliffy. □



King of all Kings

Calypso

1. Paul Connor 64-65
2. King Poncho 66
3. Young Quick Silver 67-68-69-70-74-75-78
4. Lord Boxoe 71-72-73-79-86
5. Lord Tiger 76-77
6. Mighty Reds 80-81-82
7. Mighty Talent 80-81-82
8. Tattoo 92
9. Singing J 94

Roadmarch

1. Paul Connor 65
2. King Poncho 66
3. Young Quick Silver 67-70
4. Ray Anthony Thomas 68-69-74
5. Lord Boxoe 71-72-73-75-76-78-79-83
6. Lord Tito 77
7. Mighty Reds 80
8. Raslinda 81
9. Mighty Cliffy 82-85-87
10. Mighty Talent 84-89-90-92-93
11. King John 86
12. Long Roy 68
13. Tattoo 91
14. King Computer 94